

**BOSNA I HERCEGOVINA**  
**FEDERACIJA BOSNE I HERCEGOVINE**  
**Federalno ministarstvo poljoprivrede, vodoprivrede i šumarstva**

**NACRT**

# **P R O G R A M**

novčanih podrški u poljoprivredi i ruralnom razvoju za 2017. godinu

**Sarajevo, mart 2017. godine**

# PROGRAM

novčanih podrški u poljoprivredi i ruralnom razvoju za 2017.godinu

- 1. Period realizacije Programa:** Od 01.01. do 31.12.2017. godine
- 2. Ukupna vrijednost Programa:** 65.700.000,00 KM
- 3. Namjena Programa:** Podrška proizvodnji kroz model poticaja proizvodnji, a plaćanja u sklopu mjera strukturne politike kroz model podrške dohotku, model kapitalnih ulaganja, model ruralnog razvoja i model ostalih vrsta podrški.
- 4. Korisnici Programa:** Klijenti upisani u Registar poljoprivrednih gazdinstava i Registar klijenata.
- 5. Izvor sredstava:** Budžet Federacije Bosne i Hercegovine za 2017. godinu – Budžet Federalnog ministarstva poljoprivrede, vodoprivrede i šumarstva "Poticaj za poljoprivredu" („Službene novine Federacije BiH“, broj: 104/16).
- 6. Nosilac Programa:** Federalno ministarstvo poljoprivrede, vodoprivrede i šumarstva.
- 7. Odgovorno lice:** mr.sci. Šemsudin Dedić, ministar

## **UVOD**

Kod izrade Programa novčanih podrški u poljoprivredi i ruralnom razvoju za 2017. godinu, vodilo se računa o:

- Odredbama Zakona o poljoprivredi („Službene novine Federacije BiH“, br. 88/07, 04/10, 27/12 i 7/13);
- Zakona o novčanim podrškama u poljoprivredi i ruralnom razvoju („Službene novine Federacije BiH“, broj 42/10);
- Principima Srednjoročne strategije razvoja poljoprivrednog sektora u Federaciji BiH 2015-2019 (Odluka Parlamenta F BiH, broj: 01,02-24-1-780/15 od 08. 06. 2015. godine;
- Preuzetim obavezama iz Sporazuma o stabilizaciji i pridruživanju (SSP-a) vezano za prilagođavanje praksi u vođenju poljoprivredne politike prema odredbama Zajedničke poljoprivredne politike EU;
- Aktivnostima koje su predviđene u Programu rada Vlade Federacije BiH za mandatni period 2015-2018.godina;
- Odredbama Zakona o izvršenju Budžeta Federacije BiH za 2017.godinu („Službene novine Federacije BiH“, broj 104/16).

## **POGLAVLJE I – CILJEVI I SVRHA PROGRAMA**

### **1) CILJEVI PROGRAMA**

U Programu novčanih podrški u poljoprivredi i ruralnom razvoju za 2017. godinu će se realizovati prioritetne mjere novčanih podrški po modelu poticaja proizvodnji i dio mjera strukturne politike koje trebaju doprinijeti ispunjavanju slijedećih ciljeva:

- unapređenju poljoprivredne proizvodnje i povećanje obima korištenja poljoprivrednog zemljišta s ciljem jačanja konkurentnosti na domaćem i inostranom tržištu;
- povećanju ponude domaćim poljoprivrednim proizvodima uz poboljšanje kvaliteta zdravstvene i higijenske ispravnosti proizvoda u skladu sa zahtjevima potrošača;
- osiguranju stabilnog poljoprivrednog dohotka i omogućavanje adekvatnog životnog standarda poljoprivrednih proizvođača;
- postepenoj harmonizaciji i integraciji sektora poljoprivrede u EU i globalno tržište.

### **2) SVRHA PROGRAMA**

Svrha ovog programa je nastaviti podršku prioritetnim mjerama novčanih podrški u okvirima raspoloživog budžeta, kako bi osigurali kontinuiranu isplatu novčanih podrški u toku 2017. godine.

## **POGLAVLJE II - KRITERIJI ZA RASPODJELU SREDSTAVA**

Odobrena finansijska sredstva Federalnom ministarstvu poljoprivrede, vodoprivrede i šumarstva (u daljem tekstu: Federalno ministarstvo) pod stavkom: „Subvencija privatnim poduzećima i poduzetnicima - Poticaj za poljoprivredu“

odobravat će se fizičkim i pravnim licima (u daljem tekstu: klijent), prema općim i posebnim kriterijima.

## 1) OPĆI KRITERIJI

Pravo na podršku ima klijent koji je:

- državljanin Bosne i Hercegovine i ima sjedište, odnosno prebivalište na teritoriji Federacije Bosne i Hercegovine (u daljem tekstu: Federacija BiH),
- ostvario poljoprivrednu proizvodnju ili drugu djelatnost na teritoriji Federacije BiH, propisanu ovim Programom,
- upisan u Registar poljoprivrednih gazdinstava, odnosno Registar klijenata,
- ispunjava posebno propisane kriterije iz ovog Programa te kriterije iz ostalih zakonskih i podzakonskih propisa iz oblasti novčanih podrški,
- ispunio posebno propisane kriterije Programa za period 01.10.2016.godine do 01.10.2017. godine,
- ispunio posebno propisane kriterije Programa i Pravilnika za tekuću godinu, a koji zbog prirodnog procesa proizvodnje ili drugih propisanih kriterija ostvaruju novčanu podršku u narednoj godini,
- započeo proizvodnju u 2016. godini (prije ili poslije 01.10.2016. godine), a završio je prije objave ovog programa, kompletnu dokumentaciju dostavlja nadležnom kantonalnom ministarstvu najkasnije u roku od 30 dana od dana stupanja na snagu ovog programa. Nadležno kantonalno ministarstvo vrši obračun zahtjeva na osnovu visine sredstava propisanih ovim programom, nakon čega ih dostavlja Federalnom ministarstvu na dalju realizaciju najkasnije u roku od 30 dana od dana zaprimanja zahtjeva,
- imao nerealizovan zahtjev iz Programa novčanih podrški iz ranijih godina, a kojem zbog nedostatka sredstava, vršenja naknadnih kontrola i provjera nije isplaćena novčana podrška, ista će se realizovati u skladu sa raspoloživim sredstvima u 2017. godini,
- ostvario pravo u ponovljenom postupku provedenom po pravosnažnoj sudskoj presudi iz oblasti novčanih podrški, odnosno po pravosnažnom rješenju donesenom u drugostepenom postupku Federalnog ministarstva.
- registrovan kao fizičko lice (izuzev obrta), godišnje može ostvariti maksimalnu novčanu podršku do 6.000,00 KM po modelu poticaja proizvodnji.
- Izmirio obaveze ili sklopio sporazum o reprogramu duga kod nadležne Porezne uprave Federacije BiH i Uprave za indirektno oporezivanje BiH za 2016. godinu.

## 2) POSEBNI KRITERIJI

### A/ MODEL PODRŠKE PROIZVODNJI

#### A/1 BILJNA PROIZVODNJA

##### (1) Proizvodnja ratarskih, povrtlarskih, voćarskih kultura, duhana, grožđa i maslina

- a) **hljebna žita** (pšenica i raž) – klijent ostvaruje pravo na novčanu podršku za proizvodnju na minimalno 1 ha a maksimalno za 200 ha hljebnih žita, i isto proda;

- b) stočna žita** (stočni ječam, zobi i tritikale) - klijent ostvaruje pravo na novčanu podršku za proizvodnju na minimalno 1 ha a maksimalno za 200 ha stočnih žita, za vlastite potrebe ili isto prodaja;
- c) krmno bilje** (silažni kukuruz) - klijent ostvaruje pravo na novčanu podršku za proizvodnju na minimalno 2 ha a maksimalno 400 ha silažnog kukuruza, za vlastite potrebe ili isto prodaja;
- d) uljarice** (uljana repica, suncokret i soja) – klijent ostvaruje pravo na novčanu podršku za proizvodnju na minimalno 1 ha a maksimalno za 250 ha uljarica, i isto prodaja;
- e) povrće** (paradajz, paprika, krastavac, patlidžan, mrkva, cvekla, luk, salata i mladi krompir) – klijent ostvaruje pravo na novčanu podršku za proizvodnju na minimalno 0,5 ha a maksimalno za 20 ha povrća, i isto prodaja;
- f) grožđe i masline** - klijent ostvaruje pravo na novčanu podršku za proizvodnju na minimalno 1 ha a maksimalno za 150 ha grožđa i maslina, i isto prodaja;
- g) voće** (šljiva, jabuka, kruška, breskva, nektarina, trešnja, višnja, smokva i marelica) - klijent ostvaruje pravo na novčanu podršku za proizvodnju na minimalno 2 ha a maksimalno za 250 ha voća, i isto prodaja;
- h) heljda** - klijent ostvaruje pravo na novčanu podršku za proizvodnju na minimalno 1 ha a maksimalno za 50 ha heljde, i isto prodaja;
- i) ljekovito i aromatično bilje** (kamilica, menta, lavanda, ružmarin, smilje i lovor) - klijent ostvaruje pravo na novčanu podršku za proizvodnju na minimalno 1 ha a maksimalno za 50 ha ljekovitog i aromatičnog bilja, i isto prodaja;
- j) duhan** (Virdžinija i Berlej klasa I-IV i Hercegovački ravnjak – A1, A2, A3, B1, B2 i B3) – klijent ostvaruje pravo na novčanu podršku za proizvodnju na minimalno 0,5 ha a maksimalno za 50 ha duhana u listu, i isto prodaja.

## **(2) Proizvodnja deklarisanog sjemena**

- a) strnih žita** (pšenica, ječam, raž, zob, tritikale) i heljda - klijent ostvaruje pravo na novčanu podršku za maksimalno 250 ha zasijanog sjemena strnih žita, i isto prodaja;
- b) kukuruza, soje i suncokreta** - klijent ostvaruje pravo na novčanu podršku za maksimalno 100 ha zasijanog sjeme kukuruza, soje ili suncokreta, i isto prodaja;
- c) krompira** (osnovno sjeme i certificirano sjeme) – klijent ostvaruje pravo na novčanu podršku za maksimalno 50 ha proizvedenog sjemena krompira, i isto prodaja.

## **(3) Proizvodnja deklarisanog sadnog materijala iz grupa:**

- a) krošnjastog voća** (koštićavo, jabučasto i jezgrasto) - klijent ostvaruje pravo na novčanu podršku za maksimalno 400.000 sadnica krošnjastih voćnih vrsta, i isto prodaja;
- b) jagodastih voćnih vrsta** (malina, kupina, borovnica i brusnica) – klijent ostvaruje pravo na novčanu podršku za maksimalno 1.300.000 sadnica jagodastih voćnih vrsta, i isto prodaja;
- c) vinove loze** - klijent ostvaruje pravo na novčanu podršku za maksimalno 220.000 sadnica vinove loze, i isto prodaja.

## **(4) Nerealizovani zahtjevi iz prethodnog perioda**

Nerealizovani zahtjevi klijenata iz prethodnog perioda po modelu poticaja proizvodnji, kojima zbog nedostatka sredstava ili vršenja naknadnih

kontrola i provjera nije isplaćena novčana podrška po Programu novčanih podrški.

## A/2 ANIMALNA PROIZVODNJA

### (1) Govedarska proizvodnja

- a) **Mliječne krave u sistemu otkupa mlijeka** - klijent ostvaruje pravo na novčanu podršku za minimalno tri a maksimalno 1000 mliječnih krava u toku godine;
- b) **Proizvodnja svježeg kravljeg mlijeka** - klijent ostvaruje pravo na novčanu podršku za minimalno 500 litara a maksimalno 550.000 litara mlijeka mjesečno, i isto prodaju;
- c) **Proizvodnja goveđeg mesa - tov junadi od teladi iz domaćeg uzgoja** – klijent ostvaruje pravo na novčanu podršku za minimalno tri utovljena grla a maksimalno za 900 grla u toku godine, i isto prodaju;
- d) **Proizvodnja goveđeg mesa – tov junadi od teladi iz uvoza** – klijent ostvaruje pravo na novčanu podršku za minimalno deset utovljenih grla, a maksimalno za 600 grla u toku godine, i isto prodaju;
- e) **Uzgoj krava prvotelki (rasplodne junice)** – klijent ostvaruje pravo na novčanu podršku za uzgoj minimalno dvije a maksimalno za 200 junica iz vlastitog stada u toku godine, za proširenje vlastite proizvodnje ili za prodaju;
- f) **Uzgoj goveda u sistemu krava-tele** – klijent ostvaruje pravo na novčanu podršku za minimalno 15 a maksimalno za 1000 krava u sistemu krava-tele, u toku godine.

### (2) Ovčarska i kozarska proizvodnja

- a) **Proizvodnja svježeg ovčjeg i kozjeg mlijeka** – klijent ostvaruje pravo na novčanu podršku za najmanje 300 litara svježeg ovčjeg mlijeka mjesečno a maksimalno za 290.000 litara u toku godine, odnosno za najmanje 300 litara kozijeg mlijeka mjesečno a maksimalno za 500.000 litara kozjeg mlijeka u toku godine, i isto prodaju.
- b) **Uzgoj rasplodne stoke (ovce i koze)** – klijent ostvaruje pravo na novčanu podršku za minimalno 50 odraslih ovaca, odnosno minimalno 25 odraslih koza starijih od godinu dana, a maksimalno za 1.300 odraslih grla ovaca ili koza, u toku godine.

### (3) Svinjogojska proizvodnja

- a) **Proizvodnja svinjskog mesa - tov svinja** – klijent ostvaruje pravo na novčanu podršku ako u toku godine utovi: minimalno 25 svinja od prasadi iz domaćeg uzgoja, odnosno, minimalno 75 svinja od prasadi iz uvoza, a maksimalno za 7.200 svinja u toku godine, i iste prodaju;
- b) **Uzgoj rasplodne stoke - krmača** – klijent ostvaruje pravo na novčanu podršku za minimalno 5 rasplodnih krmača, a maksimalno za 150 krmača u toku godine.

### (4) Peradarska proizvodnja

- a) **Uzgoj 18-sedmičnih pilenki** - klijent ostvaruje pravo na novčanu podršku za minimalno 5.000 a maksimalno za 220.000 uzgojenih pilenki u toku godine od pilića iz domaćeg uzgoja do prelaska u fazu reprodukcije i iste

proda ili ih ostavi za dalji uzgoj;

- b) **Uzgoj pilenki teške roditeljske linije** – klijent ostvaruje pravo na novčanu podršku za minimalno 5.000 a maksimalno za 50.000 pilenki u toku godine do prelaska u fazu reprodukcije i iste proda ili ih ostavi za dalji uzgoj;
- c) **Uzgoj pilenki lake roditeljske linije** - klijent ostvaruje pravo na novčanu podršku za minimalno 5.000 a maksimalno za 50.000 pilenki u toku godine do prelaska u fazu reprodukcije i iste proda ili ih ostavi za dalji uzgoj.

#### **(5) Pčelarska proizvodnja**

- a) **Košnice pčela - uzgoj pčelinjih zajednice** – klijent ostvaruje pravo na novčanu podršku za minimalno 20 a maksimalno za 400 pčelinjih zajednica i proda najmanje 5 kg meda po zajednici u toku godine.

#### **(6) Ribarska proizvodnja**

- a) **Proizvodnja/uzgoj slatkovodne ribe** – klijent ostvaruje pravo na novčanu podršku za minimalno 3.000 a maksimalno za 500.000 kg ribe u toku godine, i istu proda.
- b) **Proizvodnja/uzgoj morske ribe** – klijent ostvaruje pravo na novčanu podršku za minimalno 3.000 a maksimalno za 100.000 kg ribe u toku godine, i istu proda.

#### **(7) Izvorne zaštićene pasmine životinja:**

**Uzgoj izvornih zaštićenih pasmina životinja** – klijent (koji je dostavio prijavu proizvodnje u 2016.godini na osnovu Obavijesti ministarstva), ostvaruje pravo na novčanu podršku za minimalno jednog bosanskog brdskog konja, domaću bušu, domaćeg magarca ili psa tornjaka, a maksimalno za 60 životinja izvornih zaštićenih pasmina u toku godine. Klijent koji se nije prijavio u 2016.godini putem Obavijesti Federalnog ministarstva, prijavu izvornih zaštićenih pasmina životinja će moći izvršiti na osnovu nove Obavijesti Federalnog ministarstva u 2017. godini, za koje se ostvaruje podrška u narednoj godini.

#### **(8) Nerealizovani zahtjevi iz prethodnog perioda**

Nerealizovani zahtjevi klijenata iz prethodnog perioda po modelu poticaja proizvodnji, kojima zbog nedostatka sredstava ili vršenja naknadnih kontrola i provjera nije isplaćena novčana podrška po Programu novčanih podrški.

### **B/ MODEL PODRŠKE DOHOTKU**

Zbog nedostatka novčanih sredstava nije moguće provesti mjere iz ovog modela.

### **C/ MODEL KAPITALNIH ULAGANJA**

Pravo na novčanu podršku za kapitalna ulaganja u poljoprivredu se odnose na:

**Regres kamata na kredite za kapitalna ulaganja u poljoprivredi** - Visina regresa kamata i način ostvarivanja prava određuje se posebnim propisom iz člana 16. stav (8) Zakona o novčanim podrškama u poljoprivredi i ruralnom razvoju, a u skladu sa uslovima koji će biti propisani novim pravilnikom po modelu kapitalnih ulaganja.

## **D/ RURALNI RAZVOJ**

Zbog nedostatka novčanih sredstava nije moguće provesti mjere iz ovog modela u 2017. godini, kao ni preostale zahtjeve klijenata iz 2012. godine, za koje će Vlada Federacije BiH donijeti Odluku.

## **E/ MODEL OSTALIH VRSTA PODRŠKI**

Pravo na novčanu podršku za ostale vrste podrški se odnose na:

### **1. Sufinansiranje premije osiguranja od mogućih šteta u poljoprivrednoj Proizvodnji**

1.1. Sufinansiranje premije osiguranja od mogućih šteta u poljoprivrednoj proizvodnji.

### **2. Sufinansiranje stručnih skupova, kongresa, simpozija, seminara i sajmova**

2.1. Sufinansiranje organizovanja stručnih skupova, kongresa, simpozija, seminara i sajmova iz oblasti poljoprivredno-prehrambenog sektora.

### **3. Realizacija projekata od značaja za Federaciju BiH**

3.1. Sufinansiranje izlaganja na manifestacijama od značaja za poljoprivredni Sektor.

### **4. Organizovanje poljoprivrednika (zadruge, udruženja, savezi)**

4.1. Sufinansiranje troškova realizacije aktivnosti poljoprivrednih zadruga,

4.2. Sufinansiranje troškova realizacije aktivnosti poljoprivrednih Udruženja,

4.3. Sufinansiranje troškova realizacije aktivnosti poljoprivrednih saveza.

### **5. Sufinansiranje troškova standardizacije proizvoda/proizvodnje**

5.1. Sufinansiranje uvođenja i certifikacije standarda u poljoprivredi i prehrambenoj industriji.

## **F/ SUDSKE PRESUDE I RJEŠENJA PO ŽALBAMA**

Novčane podrške - ostvareno pravo u ponovljenim postupcima provedenim po pravosnažnim sudskim presudama u oblasti novčanih podrški iz prethodnih godina i pravosnažnim rješenjima donesenim u drugostepenom postupku po žalbama.



### POGLAVLJE III – VISINA I RASPODJELA SREDSTAVA

Sredstva odobrena Budžetom Federacije BiH za 2017. godinu iznose 65.700.000 KM i raspodijelit će se u skladu sa Programom na slijedeće oblasti:

Tabela 1. Raspodjela sredstava za biljnu proizvodnju

A/1		BILJNA PROIZVODNJA		
A/1-1		Proizvodnja ratarskih, povrtlarskih kultura, voćarskih kultura, grožđa i maslina	KM po jed. mjere	Iznos u KM
	1.	hljebna žita	550/ha	
	2.	stočna žita	350/ha	
	3.	krmno bilje	300/ha	
	4.	Uljarice	400/ha	
	5.	heljda	400/ha	
	6.	ljekovito i aromatično bilje	600/ha	
	7.	povrće	2.000/ha	
	8.	grožđe i masline	900/ha	
	9.	voće	900/ha	
	10.	duhan	1.500/ha	
A/1-2		Proizvodnja sjemena		
	11.	sjemena strnih žita	1000/ha	
	12.	kukuruza, soje i suncokreta	1000/ha	
	13.	krompira (osnovno sjeme)	1700/ha	
	14.	krompira (certificirano sjeme)	1300/ha	
A/1-3		Proizvodnja sadnog materijala iz grupa		
	15.	jabučastih, koštićavih i jezgrastih vrsta voća	0,45/kom	
	16.	jagodastih vrsta voća	0,35/kom	
	17.	sadnice vinove loze	0,45/kom	

<b>A/1-4</b>		Nerealizovani zahtjevi iz prethodnog perioda		
	18.	Nerealizovani zahtjevi klijenata iz prethodnih godina po modelu poticaja proizvodnji, kojima zbog nedostatka sredstava ili vršenja naknadnih kontrola i provjera nije isplaćena novčana podrška po Programu novčanih podrški.		
		<b>SVEGA: A/1-1, A/1-2, A/1-3 i A/1-4</b>		<b>10.400.000,00</b>

Tabela 2. Raspodjela sredstava za animalnu proizvodnju

<b>A/2</b>	<b>Br.</b>	<b>ANIMALNA PROIZVODNJA</b>		
<b>A/2-1</b>		<b>Govedarska proizvodnja</b>	<b>KM/jed. mjere</b>	<b>Iznos u KM</b>
	1.	svježe kravlje mlijeko	0,28/l	
	2.	mliječne krave u sistemu otkupa mlijeka	100/grlu	
	3.	goveđe meso – tov junadi od teladi iz domaćeg uzgoja	450/grlu	
	3a.	goveđe meso – tov junadi od teladi iz uvoza	250/grlu	
	4.	rasplodna stoka - rasplodne junice	450/grlu	
	5.	goveda u sistemu krava – tele	450/grlu	
<b>A/2-2</b>		<b>Ovčarska i kozarska proizvodnja</b>		
	6.	svježe ovčije mlijeko	0,30/l	
	7.	svježe kozije mlijeko	0,30/l	
	8.	rasplodna stoka - ovce	35/grlu	
	9.	rasplodna stoka - koze	35/grlu	
<b>A/2-3</b>		<b>Svinjogojska proizvodnja</b>		
	10.	svinjsko meso – tov svinja	60/grlu	
	11.	rasplodna stoka - krmače	150/grlu	
<b>A/2-4</b>		<b>Peradarska proizvodnja</b>		
	12.	18 - sedmične pilenke	0,35 /kljunu	
	13.	matična jata – pilenke teških roditeljskih linija	1,20 /kljunu	
	14.	matična jata – pilenke lahkih roditeljskih linije	1,20/kljunu	

A/2	Br.	ANIMALNA PROIZVODNJA		
A/2-5		<b>Pčelarska proizvodnja</b>		
	15.	košnica pčela, uzgoj pčelinjih zajednica	15/koš	
A/2-6		<b>Ribarska proizvodnja</b>		
	16.	slatkovodna riba	1,25/kg	
	17.	morska riba	1,25/kg	
A/2-7		<b>Izvorne zaštićene pasmine životinja</b>		
	18.	bosanski brdski konj, domaća buša i domaći magarac u čistoj krvi	400/grlu	
	18a.	bosanski brdski konj, domaća buša i domaći magarac – križanci u tipu date pasmine	200/grlu	
	19.	pas tornjak	50/grlu	
A/2-8		<b>Nerealizovani zahtjevi iz prethodnog perioda</b>		
	20.	Nerealizovani zahtjevi klijenata iz prethodnih godina po modelu poticaja proizvodnji, kojima zbog nedostatka sredstava ili vršenja naknadnih kontrola i provjera nije isplaćena novčana podrška po Programu novčanih podrški		
		<b>SVEGA: A/2-1, A/2-2, A/2-3, A/2-4, A/2-5, A/2-6, A/2-7 i A/2-8</b>		<b>52.200.000,00</b>

## B/ MODEL PODRŠKE DOHOTKU

Tabela 3. Raspodjela sredstava po modelu podrški dohotku

B/	MODEL PODRŠKE DOHOTKU		
	Broj	Naziv mjere	Iznos u KM
	1.	<b>Nekomercijalno porodično poljoprivredno gazdinstvo</b> - Zbog nedostatka novčanih sredstava nije moguće provesti mjere iz ovog modela.	<b>00,00</b>
		<b>SVEGA: B</b>	<b>00,00</b>

## C/ MODEL KAPITALNA ULAGANJA

Tabela 4. Raspodjela sredstava za kapitalna ulaganja

C/	MODEL KAPITALNIH ULAGANJA		
	Broj	Naziv mjere	Iznos u KM
	1.	Regres kamata na kredite za kapitalna ulaganja u poljoprivredi	2.300.000,00
		<b>SVEGA: C</b>	<b>2.300.000,00</b>

## D/ MODEL RURALNOG RAZVOJA

Tabela 5. Raspodjela sredstava za ruralni razvoj

D/	MODEL RURALNOG RAZVOJA		
	Broj	Vrsta podrške	Iznos u (KM)
	1.	Ruralni razvoj za 2017 god. – zbog nedostatka novčanih sredstava nije moguće provesti mjere iz ovog modela, kao ni preostale zahtjeve iz 2012. godine za koje će Vlada Federacije BiH donijeti Odluku	00,00
		<b>SVEGA D:</b>	<b>00,00</b>

## E/ MODEL OSTALIH VRSTA PODRŠKI

Tabela 6. Model ostalih vrsta podrški

E/	Br.	MODEL OSTALIH VRSTA PODRŠKI	Iznos u KM
	1.	<b>Sufinansiranje premije osiguranja od mogućih šteta u poljoprivrednoj proizvodnji</b>	
	1.1	Sufinansiranje premije osiguranja od mogućih šteta u poljoprivrednoj proizvodnji	100.000,00
	2.	<b>Sufinansiranje stručnih skupova, kongresa, simpozija, seminara i sajмова</b>	
	2.1	Sufinansiranje organizovanja stručnih skupova, kongresa, simpozija, seminara, sajмова iz oblasti poljoprivredno-prehrambenog sektora	50.000,00

	<b>3.</b>	<b>Realizacija projekata od značaja za Federaciju BiH</b>	
	3.1.	Sufinansiranje izlaganja na privrednim manifestacijama od značaja za poljoprivredni sektor	50.000,00
	<b>4.</b>	<b>Organizovanje poljoprivrednika (zadruge, udruženja i saveza)</b>	
	4.1.	Sufinansiranje troškova realizacije aktivnosti zadruga	50.000,00
	4.2.	Sufinansiranje troškova realizacije aktivnosti udruženja	
	4.3.	Sufinansiranje troškova realizacije aktivnosti saveza	
	<b>5.</b>	<b>Sufinansiranje troškova standardizacije proizvoda/proizvodnje</b>	
	5.1.	Sufinansiranje uvođenja i certifikacije standarda u poljoprivredi i prehrambenoj industriji	50.000,00
		<b>UKUPNO: E</b>	<b>300.000,00</b>

## F/ SUDSKE PRESUDE I RJEŠENJA PO ŽALBAMA

Tabela 7. Sudske presude i rješenja po žalbama

<b>F/</b>	<b>Br.</b>	<b>Sudske presude i rješenja po žalbama</b>	<b>Ukupno u KM</b>
		Novčane podrške-ostvareno pravo u ponovljenim postupcima provedenim po pravosnažnim sudskim presudama u oblasti novčanih podrški iz prethodnih godina i pravosnažnim rješenjima donesenim u drugostepenom postupku po žalbama	500.000,00
		<b>UKUPNO: F</b>	<b>500.000,00</b>
<b>SVEGA: A+B+C+D+E+F</b>			<b>65.700.000,00</b>

## POGLAVLJE IV- IZVOR SREDSTAVA

Izvor sredstava za realizaciju Programa je Budžet Federacije Bosne i Hercegovine za 2017. godinu („Službene novine Federacije BiH“, broj: 104/16) u kojem je na poziciji „Poticaj za poljoprivredu“ utvrđen iznos od 65.700.000 KM.

# **O B R A Z L O Ž E N J E**

## **I. PRAVNI OSNOV**

Članom 28. Zakona o poljoprivredi („Službene novine Federacije BiH“, broj 88/07, 04/10, 27/12 i 7/13 propisano je da su mjere novčanih podrški u poljoprivredi poticajna sredstva iz Budžeta Federacije Bosne i Hercegovine koja obuhvaćaju poticaje proizvodnji i plaćanja u sklopu mjera strukturne politike.

U skladu sa članom 4. Zakona o novčanim podrškama u poljoprivredi i ruralnom razvoju („Službene novine Federacije“, broj 42/10) Federalno ministarstvo je pripremlilo Program novčanih podrški u poljoprivredi i ruralnom razvoju.

Pravni osnov za donošenje Odluke o usvajanju Programa utroška sredstava s kriterijima raspodjele sredstava „Poticaj za poljoprivredu“ utvrđenih Budžetom Federacije Bosne i Hercegovine za 2017. godinu sadržan je u odredbama čl. 30. Zakona o izvršenju Budžeta Federacije Bosne i Hercegovine za 2017.godinu („Službene novine Federacije BiH“ broj :104/16) kojim je propisano da će se sredstva utvrđena u Budžetu, pozicije „Poticaj za poljoprivredu“ koristiti prema Programu koje donosi Vlada F BiH.

## **II. CILJEVI PROGRAMA**

U okviru Programa novčanih podrški u poljoprivredi i ruralnom razvoju za 2017. godinu realizuju se mjere novčanih podrški u poljoprivredi i mjere strukturne politike koje trebaju doprinijeti ispunjavanju slijedećih ciljeva:

- unapređenje poljoprivredne proizvodnje i povećanje obima korištenja poljoprivrednog zemljišta s ciljem jačanja konkurentnosti na domaćem i inostranom tržištu;
- povećanje ponude domaćim poljoprivrednim proizvodima uz poboljšanje kvaliteta zdravstvene i higijenske ispravnosti proizvoda u skladu sa zahtjevima potrošača;
- osiguranje stabilnog poljoprivrednog dohotka i omogućavanje adekvatnog životnog standarda poljoprivrednih proizvođača;
- postepene harmonizacije i integracije sektora poljoprivrede u EU i globalno tržište.

## **III. SVRHA PROGRAMA**

Svrha ovog Programa je da se zadrže prioritete mjere novčanih podrški u okvirima raspoloživog budžeta, kako bi osigurali kontinuiranu isplatu novčanih podrški u toku 2017. godine.

## **IV. RAZLOZI ZA DONOŠENJE**

U okviru Programa novčanih podrški za 2017. godinu nastavilo se sa primjenom Zakona o novčanim podrškama u poljoprivredi i ruralnom razvoju Federacije BiH („Službene novine Federacije BiH“, broj 42/10), na osnovu kojeg su obuhvaćene podrške u sklopu mjera poticanja proizvodnje i plaćanja u sklopu mjera strukturne politike.

Visina sredstva odobrenih Budžetom Federacije BiH za 2017.godinu Federalnom ministarstvu poljoprivrede, vodoprivrede i šumarstva za subvencije privatnim preduzećima i poduzetnicima - poticaj za poljoprivredu nije u skladu sa članom 3. stav (2) Zakona o novčanim podrškama u poljoprivredi i ruralnom razvoju (3-6% ukupnih prihoda i primanja Budžeta Federacije BiH), kao ni Srednjoročnom strategijom razvoja poljoprivrednog sektora u Federaciji Bosne i Hercegovine (2015-2019.g.). Izdvojena sredstva nisu dovoljna da bi u ovogodišnjem programu uveli podršku za sve modele iz Zakona o novčanim podrškama u poljoprivredi i ruralnom razvoju i proizvodnje iz modela poticaja proizvodnji (Dodatak II navedenog zakona). S tim u vezi, kod izrade ovog programa suočeni smo sa problemom nerealizovanih zahtjeva iz prethodnog perioda (cca 50 miliona KM), koja su naslijeđena prilikom preuzimanja mandata ovog saziva Vlade Federacije BiH.

U toku 2015. godine je izvršeno umanjeње novčane podrške za većinu pojedinačnih mjera iz Programa za oko 25% po jedinici mjere, dok su potraživanja za nerealizovane zahtjeve iz ranijih godina jednim dijelom isplaćena a dijelom smanjena kroz naknadne administrativne, odnosno inspeksijske kontrole.

Preostali dio nerealizovanih zahtjeva iz prethodnog perioda po modelu poticaja proizvodnji iznosi cca 19 miliona KM, te modelu ruralnog razvoja (po Javnom pozivu iz 2012. godine) cca 11 miliona KM, za koje se trenutno vrši veliki broj naknadnih inspeksijskih kontrola.

Sva ova dugovanja nije moguće realizovati u tekućoj godini, s obzirom da su planirana sredstva Programom za ovu godinu nedovoljna za realizaciju tekućih proizvodnji, dijela ostalih vrsta novčanih podrški i toliko neophodnih kapitalnih ulaganja (planirana jedna mjera - regres kamata na kredite za kapitalna ulaganja u poljoprivredi).

U ovom programu se nastavilo sa odredbom kojom fizička lica mogu ostvariti maksimalni iznos novčane podrške od 6.000,00 KM u toku godine, iz razloga što je analizom utvrđeno da veliki broj fizičkih lica koji su: uposlenici, penzioneri, lica prijavljena na birou za zapošljavanje i sl. koriste novčana sredstva po modelu poticaja proizvodnji.

Svjesni posljedica koje će nastati primjenom sporazuma o stabilizaciji i pridruživanju EU, nedovoljnim izdvajanjima sredstava u budžetu za poticaj poljoprivredi, naslijeđenim dugovanjima iz ranijeg perioda, očekujemo od Parlamenta Federacije BiH da konačno na Tematskoj sjednici o stanju u oblasti poljoprivrede uz ostale zaključke donese i Zaključak za osiguranje sredstava za rješavanje nerealizovanih zahtjeva klijenata iz ranijeg perioda te kroz rebalans budžeta u 2017. godini osigura dodatna sredstva u skladu sa Zakonom o novčanim podrškama u poljoprivredi i ruralnom razvoju i Srednjoročnom strategijom razvoja poljoprivrednog sektora u Federaciji BiH (2015-2019.g.), kojim bi se konačno, nakon što su zadnji put uvedene u 2012. godini ponovo uvele strukturne mjera (investicije u poljoprivredna gazdinstva, izgradnja rashladnih kapaciteta, savremenih objekata u poljoprivredi i prehrambenoj industriji, nabavka savremene mehanizacije, opreme, platenika, staklenika, kvalitetnog rasplodnog materijala, navodnjavanje, odvodnjavanje, protugradna i protumrazna zaštita, podrška laboratorijama i sl.), bez čega nema ozbiljnog razvoja i održivog poljoprivrednog sektora.

U ovaj program su u odnosu na program iz prošle godine uvedena podrška Izvornim zaštićenim pasminama životinja: bosanski brdski konj, domaća buša, domaći magarac i pas tornjak. Osnov za uvođenje ove mjere sadržan je u zakonu o novčanim podrškama, zakonu o stočarstvu, te obavezama koje proizilaze iz SSP-a. Ova mjera je po prvi put uvedena u program kako bi se zaštitile gotovo izumrle izvorne zaštićene pasmine životinja koje predstavljaju svojevrsnu baštinu Bosne i Hercegovine. Za uvođenje ove mjere smo imali jako puno zahtjeve sa terena i dijela zainteresirane javnosti, kako bi se ove izvorne pasmine životinja sačuvale od izumiranja, dok još uvijek nije kasno. Procjena je da ova mjera ne iziskuje značajnija sredstava, s obzirom da je na osnovu prispjelih prijava putem Obavijesti Federalnog ministarstva u 2016.godini prijavljeno (domaća buša 86 životinja, domaći magarac 60 životinja, bosanski brdski konj 76 životinja i pas tornjak 69 životinja), te sredstva novčanih podrški za ovu mjeru mogu iznositi do maksimalno 100.000,00KM, a benefiti koje ćemo imati od iste su neprocjenjivi.

Pravo na novčanu podršku za izvorne zaštićene pasmine u tekućoj godini će moći ostvariti klijenti koji su se prijavili u 2016.godini putem Obavijesti Federalnog ministarstva, dok će u narednoj godini pravo na novčanu podršku moći ostvariti i oni klijenti koji izvrše prijavu navedenih životinja u ovoj godini na osnovu nove Obavijesti Federalnog ministarstva.

Utvrđivanje pripadnosti određenoj izvornoj zaštićenoj pasmini (čistoj krvi ili križanci u tipu izvorne zaštićene pasmine) će vršiti nadležni Federalni zavodi za poljoprivredu, dok će i sve drugo biti propisano novim Pravilnikom po modelu poticaja proizvodnji.

Uslijed nedovoljnog poticaja iz budžeta za tekuću godinu i posljedica koje će nastati primjenom sporazuma o stabilizaciji i pridruživanju EU, bez konkretnih mjera države za zaštitu domaće proizvodnje i pomoći našim poljoprivrednim proizvođačima neće biti moguće održati ni postojeći nivo proizvodnje.

S tim u vezi, očekuje se od Vlade i Parlamenta Federacije BiH da poduzmu određene aktivnosti u skladu sa nadležnostima, prije svega da osigura dodatna sredstava za rješavanje nerealizovanih zahtjeva klijenata iz prethodnog perioda, koji su veliko opterećenje Programu za tekuću godinu. Ukoliko se ne osiguraju očekivana sredstva, Federalno ministarstvo poljoprivrede, vodoprivrede i šumarstva će nakon izvršene analize prijave po modelu poticaja proizvodnji (zaključno sa 30.05.2017.g.), biti prinuđeno izvršiti izmjenu Programa, na način da će se izvršiti isplata dugovanja iz prethodnog perioda i shodno tome umanjiti iznos novčane podrške za pojedine mjere u skladu sa preostalim raspoloživim sredstvima.

Ukoliko se ne osiguraju neophodna sredstva za rješavanje nerealizovanih zahtjeva iz ranijih godina, isto će iziskivati smanjenje podrške za pojedinačne mjere, što će u trenutnoj situaciji primjene adaptiranog sporazuma o stabilizaciji i pridruživanju EU značajno ugroziti domaću poljoprivrednu proizvodnju i poljoprivredni sektor u cjelini.

## **V. USKLAĐENOST**

U pogledu usklađenosti sa pravnim naslijeđem Europske unije (acquis), predmetna oblast pravnog propisa-Programa novčanih podrški u poljoprivredi i ruralnom razvoju, regulisana je kroz „Nacionalni propis“

## **VI. FINANSIJSKA SREDSTVA**



Za realizaciju ove Odluke, odnosno Programa, Budžetom Federacije BiH, Federalnom ministarstvu poljoprivrede, vodoprivrede i šumarstva predviđena su sredstva u ukupnom iznosu od 65.700,000,00 KM.